



Na osnovu člana 47. Zakona o državnoj službi u Unsko-sanskom kantonu („Službeni glasnik Unsko-sanskog kantona“, broj: 14/17,15/20), u vezi sa članom 74a. Zakona o državnoj službi u Federaciji BiH („Službene novine Federacije BiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17 -Presuda ustavnog suda Federacije Bosne i Hercegovine broj: U-13/16), a u skladu sa članom 3. Pravilnika o jedinstvenim kriterijima i postupku izbora i prijema pripravnika i volontera sa visokom stručnom spremom u organe državne službe u Unsko-sanskom kantonu („Službeni glasnik Unsko-sanskog kantona“, broj: 23/17), Agencija za državnu službu Federacije Bosne i Hercegovine na zahtjev Općine Bužim, objavljuje

## **JAVNI KONKURS za prijem volontera u Općini Bužim**

**01.Volonter, sa završenim fakultetom zdravstvenih studija – sanitarno inženjersvo VSS - VII stepen stručne spreme odnosno prvi, drugi ili treći ciklus Bolonjskog sistema studiranja -1 (jedan) izvršilac**

**02.Volonter, struke socijalna pedagogija – sa završenom VSS - VII stepen stručne spreme odnosno prvim, drugim ili trećim ciklusom Bolonjskog sistema studiranja - 2 (dva) izvršioca**

**03.Volonter, za završenim fakultetom političkih nauka – sigurnosne struke VSS - VII stepen stručne spreme odnosno prvi, drugi ili treći ciklus Bolonjskog sistema studiranja -1 (jedan) izvršilac**

**04.Volonter, sa završenim tehničkim fakultetom – drveno industrijski odsjek -smjer tehnologija VSS - VII stepen stručne spreme odnosno prvim, drugim ili trećim ciklusom Bolonjskog sistema studiranja – 1 (jedan) izvršilac.**

Kandidati moraju ispunjavati opće uslove iz člana 35. Zakona o državnoj službu u Unsko-sanskom kantonu, kako slijedi:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili diplomu druge obrazovne ili akademske kvalifikacije najmanje VII stepena stručne spreme odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovnih djelatnosti i pomoćno tehnički poslovi i uslovi za njihovo obavljanje u organima državne službe u Unsko-sanskom kantonu;
4. da je zdravstveno sposoban za obavljanje poslova utvrđenih za to radno mjesto;
5. da u posljednje dvije godine od dana objavljivanja upražnjenog radnog mjesta nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine;
7. da se protiv njega ne vodi krivični postupak.

Pored općih uslova navedenih u javnom konkursu, kandidati moraju ispunjavati i sljedeće posebne uslove, i to:

**za poziciju 01:**

-završen fakultet zdravstvenih studija – sanitarno inženjerstvo VSS - VII stepen stručne spreme odnosno prvi, drugi ili treći ciklus Bolonjskog sistema studiranja.

**za poziciju 02:**

-VSS - VII stepen stručne spreme odnosno prvi, drugi ili treći ciklus Bolonjskog sistema studiranja struke socijalna pedagogija.

**za poziciju 03:**

-završen fakultet političkih nauka – sigurnosne struke VSS - VII stepen stručne spreme odnosno prvi, drugi ili treći ciklus Bolonjskog sistema studiranja.

**za poziciju 04:**

-završen tehnički fakultet – drveno industrijski odsjek - smjer tehnologija VSS - VII stepen stručne spreme odnosno prvi, drugi ili treći ciklus Bolonjskog sistema studiranja.

Izbor i prijem volontera izvršit će se na osnovu jedinstvenih kriterija utvrđenih u Pravilniku o jedinstvenim kriterijima i postupku izbora i prijema pripravnika i volontera sa visokom stručnom spremom u organe državne službe u Unsko-sanskom kantonu.

**Napomena:** Stručno osposobljavanje volontera trajat će 1 (jednu) godinu. Lice koje nakon stečene visoke stručne spreme ima ostvaren radni staž u struci ili radno iskustvo u struci stečeno volontiranjem od jedne godine ili više, ne može se primati u radni odnos kao pripravnik, niti se može primati na stručno osposobljavanje za samostalan rad bez zasnivanja radnog odnosa kao volonter, u skladu sa odredbama Pravilnika.

**Prijavljivanje - potrebni dokumenti (originali ili ovjerene kopije):**

1. diploma o završenom visokom obrazovanju (nostrificirana diploma, ukoliko diploma nije stečena u BiH ili je diploma stečena u nekoj od država nastaloj raspadom SFRJ nakon 06.04.1992. godine). **Napomena:** Ovjerena fotokopija diplome o završenom visokom obrazovanju na mjestu ovjere nadležnog organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica. Sve ovjerene fotokopije diploma koje ne budu dostavljene na navedeni način bit će odbijene kao neuredne.

2. uvjerenje visokoškolske institucije o prosjeku ocjena nakon završenog studija,

3. uvjerenje Zavoda za zapošljavanje o dužini trajanja nezaposlenosti nakon sticanja diplome visokog obrazovanja VII stepena ili prvog, drugog ili trećeg ciklusa Bolonjskog sistema studiranja (ukoliko se kandidat nalazi na evidenciji Zavoda),

4. rješenje o utvrđenom stepenu invalidnosti (ukoliko je kod kandidata utvrđen stepen invalidnosti 60% i više),

5. popunjen prijavni obrazac za pripravnike Agencije za državnu službu Federacije BiH (može se preuzeti u prostorijama Službe za postavljenja u organima državne službe u Unsko-sanskom kantonu sa sjedištem u Bihaću, ul. Alije Đerzeleza br.2, ili na web stranici Agencije: [www.adsfbih.gov.ba](http://www.adsfbih.gov.ba)).

Dokumente kojima se dokazuje ispunjavanje općih uslova konkursa, izabrani kandidati će dostaviti Općini Bužim u roku od 7 (sedam) dana od dana prijema obavještenja o rezultatima konkursa.

Kandidat koji u bilo čemu ne postupi po navodima javnog konkursa bit će isključen iz konkursne procedure, bez mogućnosti ponavljanja propuštene radnje.

Prijava sa potrebnim dokumentima dostavlja se u roku od 8 (osam) dana od dana objave javnog konkursa na web stranici Agencije ([www.adsfbih.gov.ba](http://www.adsfbih.gov.ba)), putem pošte, preporučeno na adresu:

**Agencija za državnu službu Federacije BiH  
Služba za postavljenja u organima državne službe u Unsko–sanskom kantonu  
ul. Alije Đerzeleza br.2  
77000 Bihać**

**sa naznakom:**

**“Javni konkurs za prijem volontera u Općini Bužim: 13-30-8-103/21“**

**D I R E K T O R**

**Refik Begić, magistar uprave**